

有改過自新之理古人云大節一虧餘無足觀大節已虧者則所當分
辨善惡使不錯雜 上曰此言當矣孝固百行之源古人云求忠臣於
孝子之門若有虧行之人所當懲戒○諫院啟曰六卿至重而政曹尤
重苟非物論素重者不惟自不敢冒處自 上亦不可特授六卿地位因
人而輕重爵命一濫朝廷不尊矣兵曹判書尹任為嘉善未久更事不
多物論未洽請速改正工曹參判金季愚人物庸暗前年以慶州府尹
徑適為參議亦有物論今特陞參判官爵猥濫物情駭恠請並改正傳
曰六卿之任當以筮仕既以諄練事理者為之果當然議政府亦闕三
員雖未一一填差可差一員而差後則可為判書之人全多故以尹任
為判書與否問于吏曹亦人為可當故陞叙耳果似年少然自 祖
朝見之少於尹任者亦當為之他司判書則不可為兵曹則既為其司
參判豈不可為之金季愚年老人為通政亦以而工曹非他司煩劇之
地已過其司參議雖為參判無妨故不見○傳于政院曰洪春卿公事
下于法司歸法司既不服移於詔獄亦不承服不無忍杖之勢侍從之
人刑推未安以時推照律○卯時日微暈兩珥夜密雲彗星不見五更
有氣如火○壬午御朝講同知事沈彥光曰平安道旱灾尤甚而水